

Le dotur Eduard Agreiter é demez dal lönesc, 29, cina en dedemesaledema, 31 de jená, da misdé, y vëgn sostitüi da dr. Grete Mähknecht 349 06 67 034

PLOANIES SAN MARTIN Y LUNGIARÜ

Festa de Sant Ojöp Frëinadamez sö Oies en lönesc ai 29 de jená:

- dales 16.00 Mëssa solëna (*Pater Christian Stranz SVD - Cor da San Martin*)
- dales 20.00 Mëssa (*degan Iaco Willeit - Cor da La Val*)

Le Sorvisc Jogn Val Badia mët a jí i "Dis de preparaziun al maridé" dala sabeda 06 d'aurí ala domënia 07 d'aurí tl Zënter Jonëza y Cultura "SaJ.un" a La lla. Le curs sará por ladin y na picia pert por todësch. Le program prevëiga referac y formaziun tl ciamp dla comunicaziun, relaziun, spiritualité, sanité y dërt. I referënc sará dr. Lois Kastlunger (coordinadú), dr. Christian Ferdigg (pert religiosa), dr. Christian Pedevilla (avocat) y Petra Massardi (consulënta). Le numer di partezipanc é limité y, por che Osta prenotaziun áis valüta, Ves periunse da Ves prenoté tl Sorvisc ai Jogn (odette@jogn.org), cina ai 25 de merz 2024. Le cost é de 180 € por per (curs + marënes).

LUNGIARÜ

I seniors y les seniores da Lungiarü é bel inviá/des da jí a trá ala scëiba, en vëndres, ai 09 de forá, dales 16.00 a San Laurënz tla stlopetara ("*Versteigerung*"). Do avëi stlopeté junse a cëna jö tl'ostaria Posta. La Uniun paia l'entrada tla stlopetara, le mangé y bère paia vignun/öna instës/sa.

I s'abinun por les 15.20 sön plaza dlungia le Sanví y jun cun nüsc auti; i ciarun da se mëte adöm y tó manco auti poscibl. Prenotaziun cina en mertesc ai 05 de forá dales 20.00 pro Renate 342 32 79 406

Bel dilan dles ofertes en recordanza dla defunta Regina Daporta por la dljia da fam. Kostner, families de Ghestan, Cor de dljia y Renate Tatz.

Museum Ladin de Tor: Laboratore creatif por mituns y mitans da 5 cina a 10 agn en dedemesaledema ai 7 de forá, dales 15.00 ales 16.30 tl Musem Ladin de Tor. I pastelnun adöm mascheres y imparun da conësce le carnescé ladin. Cina a 15 partezipanc. Prisc: 5 € por möt/a. Prenotaziun por telefon a 0474 524020 o email prenotaziuns@museumladin.it

Chiló les respostes dl quiz sön le vangele do San Merch publiché tl'ultima plata: 1) b), 2) d), 3) a), 4) b), 5) b)

Döt le bun a chi che complësc i agn de forá

a San Martin: Pire Tavella (Pinis) che nen complësc 81 ai 8
siur Heinrich Perathoner che nen complësc 83 ai 11
Oliva Winkler Vanzi che nen complësc 87 ai 18
Sepl Frenner che nen complësc 86 ai 19
Anna Pedevilla Planatscher che nen complësc 86 ai 24

a Lungiarü: Albino Dejaco che nen complësc 84 ai 6 de forá



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
redaziun: anton.gasser@rolmail.net - 348 27 44 517 / 0474 523 194

28.01. - 04.02.24 n. 09

ultimo termo por comunicaziuns: jöbia, dales 20.00

4^a Domënia ia por l'ann B

Vangele do san Merch 1,21-28

A Cafârnaum ê Gejù jü le dé de sàbat tla sinagoga y â metü man da insigné. Y la jënt se fajô demorvëia de so insegnamënt; deach'al ti insignâ sciöche un che à autorité, y no sciöche i studià dla lege. Te süa sinagoga êl sentè n êl che ê impossessè da n spirit **impur**. Chël à metü man da scraié: **Ci** unse pa nos da fà cun tè, Gejù da Nàzaret? Este gnü a nes parè tla roina? I sa chë che tó es: le **Sant** de Dî. Dailò l'â Gejù comanè: Scuta y làscele! Le spirit impur, stracian chël êl ia y ca, l'â lascè cun n dër scraiamënt. Dailò s'â düc spordü, y ai se damanâ un l'ater: **Ci** é pa chësc? N insegnamënt nü, incundé cun autorité! **Cinamai** i spiric impurs ti olga a so comane. Y so inom se slariâ fora debota te döt le raiun dla Galilea.



Ci significhëia pa chiló la parora "impur" y la parora "sant"?

La parora "impur" stá por döt ci che é contra Chël Bel Dî, süa orenté y la vita.

La vita é pö scincunda de Dî, de chëra che la jënt é cherdada da ciaré. "Impur" é ci che desdrüj y manacia la vita te nosc daite, ci che rovina la porsona y la destol da sües bunes poscibilités y facultés, döt ci che s'oj contra la creaziun de Dî.

La parora "sant" deperpo descri ci che sostëgn y renforza la vita y la creativité che é te Chël Bel Dî y che pëia ia da d'ël. Le travert de chësta forza é le svilup de düc i talënc y dles facultés che condüj a na vita implida. Por chësc stá ite Gejù y süa aziun salvënta. Por chësc stá ite le Spirit Sant. Por chësc stá ite Idî.

La jënt tla sinagoga â sintí chësta forza nöia de Gejù, che s'â presenté cun autorité. Sce un se lascia ite sön Chël Bel Dî, dailò él ince sforzè da se mëte te so daite contra forzes contrares. Al messará se damané: Ci é pa dërt, co dessi pa me comporté? Al ará ince da combate cun se instës. L'incuntada cun Chël Bel Dî podará ince le scassé sö.

Mo chësc tru nia saurí, sön chël che Gejù nes inviëia, nes dëida da rové ala löm y al amur y cun l'aiüt de Dî ala pesc daité, ala tlarëza, ala varijun y ala salvëza.

EDEMA	SAN MARTIN	LUNGIARÜ	
28.01.24 Novëna a S. Ojöp Fr. 4^a Domënia dl ann B Festa de Sant Ojöp da Oies tles ploanies <i>Dales 20.00 sö Oies:</i> <i>Introduziun ala Festa</i>	9.30 Corona 10.00 Mëssa solëna por la Comunité <i>en onur de Sant Ojöp da Oies</i> + + Hannele y Nando Flöss + Giovanni Rubatscher + Pire Unterweger, dl ann	7.50 Corona 8.15 Gran Mëssa por la Comunité <i>en onur de Sant Ojöp da Oies</i> + Isidoro Clara aniv. + Pire Clara, Mair + Vinzenz Clara, Postin	<p style="text-align: center;"><i>Meditaziun dan la icona de Sant Ojöp Frëinadamez sö Oies depënta sön lëgn indoré.</i></p> <p>Sciöche or ê tûa vita, sant Ojöp Frëinadamez, raiënt, confidënt, autentich.</p> <p>Sciöche or ê tûa fede: tan preziosa por te che t'orôs la partí cun la jënt tla Cina.</p> <p>Sciöche or ê tûa odlada, sant Ojöp Frëinadamez, tan cialda che m'inviëia da t'afidé mi fistidi.</p> <p>Dëideme da lové le tesur de mia fede, da vire de d'ël, da le partí y sciöche tö da jí por le fûch dl amur de Dî y da diventé sciöche or.</p> <p style="text-align: right;"><i>dal Sonntagsblatt</i></p>
29.01.24 Lönesc <i>Festa de Sant Ojöp Frëinadamez</i>	Festa de Sant Ojöp Frëinadamez sö Oies cun Mësses dales 16.00 y dales 20.00	7.45 Mëssa di scolars + + Paul y Emma Mischi + + da Valacia	
30.01.24 Dedolönesc <i>Martina, Serena</i>	8.00 Mëssa <i>vis y def. de Lena Ferdigg</i> + Ida Dariz + Giovanni Flöss (100 agn dala nasciüda)		
31.01.24 Dedemesaledema <i>Giovanni Bosco, Scebio</i>			
01.02.24 Jöbia <i>Brighita, Giovana</i>		19.00 Mëssa <i>por les püres Animes</i> + Burgl Schanung	
02.02.24 Vëndres Presentaziun dl Signur <i>De dla vita consacrada</i>	18.30 Adoraziun chîta 19.00 Adoraziun deboriada	19.00 Mëssa cun Benediscium de San Blaje <i>en onú de Santa Maria</i> dl ann + Franz Pezzei dl ann + suor Maria Regina Costa dl ann + Veronica Costa	
03.02.24 Sabeda <i>Blaje, Oscar</i>	18.30 Mëssa prefestia y Benediscium de San Blaje <i>en onur di Agnui Custodi</i> + Ida Clara Verginer, dl ann + Giovanni Rubatscher		
04.02.24 5^a Domënia dl ann B De de sconanza dla vita	9.30 Corona por vocaziuns 10.00 Gran Mëssa por la Comunité <i>De dla vita - cun dilan di mituns nasciüs l'ultimo ann</i> + Giovanni Unterweger + Loise Ploner Unterweger + René Penazzi, Corvara	7.50 Corona 8.15 Liturgia dla Parora <i>De dla vita - cun dilan di mituns nasciüs l'ultimo ann</i> 14.00 Bato de Linda Clara de Judith y Michael Clara	



